

# Ս. ՉԱՏԻԿ



# ԿԿՈՒ Մանկապատանեկան Թերթիկ

ՄԱՐՏ Դ - 2024  
Թիւ - 12-



Թիւր պատրաստեց՝  
ՄԱՐՄԷՆԻ ԱՇՈՏՅԱՆ-ՇԱՀԻՆՅԱՆ  
Նկարազարդեց՝  
ՌԱՅՅԻ ԲԷՇԵՆՆ

Ս. Չատիկը եկեղեցւոյ 5 տաղաւար տօներէն մէկն է:

Չատկուան կը նախորդէ Աւագ Շաբաթը: Չատկուան հետ առնչուող գլխաւոր արարողութիւնները կը սկսին Աւագ Շաբթուան սկիզբը:

Շաբաթ երեկոյեան կը մատուցուի Յիսուսի Յարութեան ճրագալոյցի պատարագ, որմով կը վերջանայ Չատկուան նախորդող եօթ շաբաթներ երկարող Մեծ Պահքի շրջանը: Պատարագի աւարտին հաւատացեալները զիրար կ'ողջունեն «Քրիստոս յարեաւ ի մեռելոց» աւետիսով եւ կը ստանան «Օրհնեալ է Յարութիւնն Քրիստոսի» պատասխանը:

### ՀԱՎԿԻԹ ՆԵՐԿԵԼ ԵՒ ՀԱՎԿԹԱՆԱՂ

Չատկուան ժողովրդական սովորութիւններէն կարելի է յիշել միայն հաւկիթ ներկելն ու հաւկթախաղը:

Կրօնքներու մէջ հաւկիթը կը համարուէր յարութեան խորհրդանիշ: Նախաքրիստոնէական շրջանին կը խորհրդանշէր նոր կեանք: Հաւկիթ ներկելը, որպէս ուրախութիւն մաս կը կազմէր զարնանային հանդիսութիւններուն: Քրիստոնէաներուն մօտ կարմիր գոյնը կը խորհրդանշէ Քրիստոսի թափած կարմիր արիւնը:



Հայերը Բուն Բարեկենդանի խրախճանքը խաշուած հաւկիթ ուտելով կը փակէին: Նմանապէս Մեծ Պահքը Չատկուան ճրագալոյցին գունաւոր հաւկիթներ ուտելով կը քակէին:

### ՀԱՂՈՐԴՈՒԹԵԱՆ ԻՍՎԱՍԸ

«Հաղորդութիւն» կը նշանակէ հաղորդակցութեան մէջ պահել արարածը Արարիչին հետ, մեղաւորը՝ քաւարարին հետ, փրկուածը՝ Փրկչին հետ: Այս խորհուրդով կենսական կապ կը ստեղծուի Քրիստոսի եւ քրիստոնէային միջեւ:

Ս. Պատարագի ժամանակ, ճաշակելով Տիրոջ Մարմինն ու Արիւնը, հաղորդուողները խորհրդաբար կը միանան ոչ միայն Աստուծոյ, այլեւ՝ իրարու, եւ այդպիսով կը կազմեն Քրիստոսի Մարմինը՝ Եկեղեցին:

Ս. Հաղորդութեան խորհուրդը եկեղեցւոյ բոլոր անդամները կը միացնէ սիրոյ եւ խաղաղութեան կապով: Այդ պատճառով ալ քրիստոնէան առանց այս խորհուրդին չի կրնար Երկինքի Արքայութեան արժանանալ:

Հաղորդութեան արդիւնքը շնորհներու բազմացումն է եւ մեղքերու քաւութիւնը:

# ՅԱՆԵԼՈՒԿՆԵՐ

1.- Այն ի՞նչ գնդիկ է ամուր, առաջ՝ սառոյց, յետոյ՝ ջուր:

տուհիմոհ :դուրվոտտուև

2.- Ամռան հագած, ձմռան մերկ մեկ ոտք ունի, հագար ձեռք:


սուՁ :դուրվոտտուև

3.- Շաքարի պես ճերմակ է, Դաշտի խոտին վերմակ է, Չի նմանիր թռչունի, Կրնայ թռչիլ, թեև չունի:

դվճ :դուրվոտտուև




Նապիկը ինչպե՞ս կրնայ հասնիլ կողովին:



Գունաւորե՛լ հետեւեալ պատկերը նախասիրած գոյներովդ:



Կրնա՞ս գտնել 10 տարբերութիւն երկու պատկերներուն միջեւ:





## ԱՌԱԿ ԵՒ ՅԵՔԻԱԹ

### ՈՍԿԻՆ ԵՒ ՑՈՐԵՆԸ

Ոսկին գոռոզացաւ, որովհետեւ թագաւորի պատկեր կար վրան: Ան պահանջեց, որ բոլոր նիւթերը գան ու երկրպագեն իրեն: Եւ բոլորը եկան, միայն ցորենը չեկաւ.

- Թող նախ ինք գայ երկրպագելու ինձի:

Առակը ցոյց կու տայ, որ բոլոր նիւթերը միաժամանակ մեծարանքի չեն արժանանար: Սովի ատեն բոլորը կը խոնարհին ցորենին առջեւ:

### ԲՈՒՆ ԵՒ ԱՐԾԻԷ

Բուն միջնորդ դրկեց արծիւին քով եւ հարս խնդրեց անկէ.

- Դուն ցերեկուան քաջամարտիկ ես, իսկ ես՝ գիշերուան, մենք արժանի ենք խնամութեան:

Բազում խնդրանքներէ ետք, արծիւը յօժարեցաւ տալ դուստրը:

Հարսանիքը ցերեկով սկսան: Փեսան ոչ մէկ բան կը տեսներ, եւ այդ պատճառով հարսնետորները կը ծաղրէին զայն: Երբ գիշեր եղաւ՝ հարսը ոչ մէկ բան կը տեսներ: Ծաղրութեանակը աւելցաւ:

Այս պատճառով հարսանիքը չեղեալ նկատուեցաւ:

*Մխիթար Գօշ*

### ԱՐԴԱՐՈՒԹԵԱՆ ԲԵՐՔԸ

Արդար մարդ մը արտը ծախեց: Գնողը արտը հերկած պահուն հողէն դուրս բերաւ կարաս մը ոսկի: Մարդը վագեց նախկին տիրոջ քով ըսելով, թէ արտէն կարաս մը ոսկի ելաւ, եկո՛ւր տեր կանգնի՛ր:

- Ես քեզի ծախած եմ արտս,- պատասխանեց նախկին տերը,- արտէն ելածը քուկդ է:

- Ես արտը գնած եմ, ոչ թե՛ ոսկին,- ըսաւ միւսը, ոսկին քուկդ է, եկո՛ւր տեր ելի՛ր:

- Ո՛չ,- ըսաւ առաջինը,- ես իրաւունք չունիմ այդ ոսկին առնելու, արտը քուկդ է:

Վեճը երկարեցաւ ու ոչ ոք ոսկին տեր ելլել ուզեց: Արդար դատաւոր մը իմացաւ, որ անոնցմէ մէկը ամուսնանալիք աղջիկ ունի, իսկ միւսը՝ տղայ: Համոզեց զանոնք, որ խնամի ըլլան եւ ոսկին ու արտը տան նորապսակներուն:

Այդպէս ալ եղաւ: Նորապսակ տղան արտը ցորեն ցանեց: Հունձքի ժամանակ հասկ մը ճմլեց ափին մէջ ու տեսաւ, որ ափին մէջ հատիկներու փոխարէն մարգարիտներ կան:

Այդպէս է, որ արդարներուն երկրին մէջ արտը կրնայ մարգարիտ բերք տալ:



# ՓԻՂԻՆ ԱՆՅԱԽԱՏԱԼԻ ԳԱՂՏՆՆԻՔՆԵՐԸ

Փիղ մը կրնայ 60 տարի ապրիլ, եթէ որսորդները զայն հանգիստ ձգեն:

Պզտիկ փիղ մը իր ծնունդին կը կշռէ 120 քիլո ծանրութիւն:

- Ափրիկեան արու փիղ մը կրնայ հասնիլ մինչեւ 7 թոնի, այսինքն մօտաւորապէս եօթը ընծուղտներու կշիռքին:

- Աշխարհի ամենէն մեծ փիղը կը կշռէր 120 թոն ծանրութիւն:

- Փիղ մը օրական 300 քիլո ուտելիք կրնայ ուտել: Ան բնութեան մէջ 15-20 ժամ կը շրջի՝ ուտելիք գտնելու համար:

- Փիղի մը ուղեղը կը կշռէ 6 քիլո ծանրութիւն. անկա մարդ արարածի ուղեղէն հինգ անգամ աւելի մեծ է: Անոր յիշողութիւնն ու խելացութիւնը միւս անասուններու մեծ մասէն աւելի են:

- Փիղին հասակը կը հասնի 4 մետրի: Այս հասակով ան կրնայ դիտել շէնքի մը առաջին յարկի պատուհանէն:

- Մեզի ծանօթ ամենէն մեծ փղոսկրները 3,45 մետր հասակ ունին: Անոնք մարդ արարածի մը հասակին կրկնապատիկն են:

- Այս հսկայ թանձրամորթը կրնայ վազել ժամական 40 քմ. արագութեամբ:

- Չափահաս փիղ մը իր կնճիթով կրնայ մինչեւ 140 քիլո շալկել: